

10 de Diciembre 1948 na'a hua'ano'sa' niyontonpi. Nisha nisha Copirno'sari a'parin ninontacaiso marë. Ya'ipi piyapi'sa' noya ya huëina', ta'caiso marë' ninontopi. Ninontohuachinara, iso quirica ninshitopi. -

Nisha nisha nananquë ninshitoco'. Ya'ipi parti a'paco' ya'ipi piyapi nitotacaiso marë' topi. Piyapi niyontonpachina, sha 'huichina'. Escuelam'saquë a 'chinchina', topi.

COPIRNORO'SA' NAPORINSOPITA YA'IPI PIYAPI NOYA YA'HUËCAISO MARË'

SHA'HUICHINQUËMA'

Ya'ipi piyapi'sa' noya ya'huëina'. Ama incari tëranta' topinan quëran ana'inchinasohuë'. Ina quëran ya'ipi parti noya nini'tëhua' ya'huërëhua huachi.

A 'naquën piyapi 'sa' co nosorohuachinahuë', chiniquen aparësitopi. A'na tahuëri tëpapi. Inaso' pa'pi co noyahuë' tënëhua'. Nonpiso marë', yonquipiso marë' Co ana'intacaso' ya'huërinhuë'. Naporahuaton, ya'ipi piyapi ma'sha ya'huëchina' Co nohuantërëhuahuë' a nayanquënpoatëranta' pahuantinpoaso.

Ya'ipi Copirnoros'sa' noya hua'anëntinpoaso' ya 'huërin. Ama topinan quëran ana'inchinpoasohuë'. Topinan quëran aparësitohuachinpoara, a'naquën chiniquën no'huihuachina yaahuëtopi. Ina quëran a'na copirno acopi huachi.

Ya'ipi Copirnoros'sa' noya nini'tona' ya'huëina'. Ama nino'huiatonahuë', ama quira niinasohuë', tënëhua'. Ya'nan niyontonëhuaso' ninshitërëhua'. -Ya'ipi piyapi 'sa' noya ya'huëina', tënëhua'. Quëmapi'sa', sanapiro'santa' napopianachin Copirnoros'sari noya niina'. Ya'ipi piyapi'sa' catahua'hua' noya noya ya'huëcaiso marë', tënëhua'.

Ya'ipinpoa' nani chinotërëhua' piyapi'sa' catahuahuaso'. Ya'ipinpoa' noya nini 'tëhua', ya'huëa'hua', ta'tëhua', nanan a'pa'hua' piyapi'sa' noya ya'huëcaiso marë'.

Napoaton iso quirica ninshitërëhua' ya'ipi piyapi'sa' nitotacaiso marë'.

HUA'ANO'SACOI NIYONTONPATOIRA

sha'huitërai

YA'IPI PIYAPI'SA' NOYA YA'HUËINA' TËNËHUA'. Ya'ipi opimoro'sa' inapochachi yonquiina'. Ya 'ipi escuela'saquë a 'chinchina'. Mashoro'santa' anitotacaiso' ya'huërin. Ina quëran ya'ipinpoa' nitotohuatëhua', nicatahua'hua' noya noya nini'tëhua' ya'huëcaiso marë

1.

Ya'ipi piyapinpoa' capini noya ninosorocaso' ya'huërin. Ya'ipinpoa' yonquirëhua'. Noya nicacaso' nitotërëhua'. Napoaton iyanpoa pochin ninosorocaso' ya 'huërin.

2.

Ya'ipi piyapi napopianachin noya ninia'hua'. Nisha nisha nirihuarahuënta' ninosorocaso' ya'huërin. Nisha nisha nananquë nonëhua'. Nisha nisha imarëhua'. A 'naquënpoa' yaraton, a 'naquënpoa' huiriton, a 'naquënpoa' quëmapinpoa', a'naquënpoa' sanapinpoa'. A 'naquënpoa' ma 'huano 'sanpoa', a 'naquënpoa' Co na 'a ma'sha ya'huëtërinpoahuë'.

Nisha nisha nirihuarahuënta' ninosorocaso' ya'huërin. Nisha nisha hua'anëntërinquë ya'huëpirëhuahuë', napopianachin nini'tëhua', ya'huëa'hua'.

3.

Co topinan quëran tëpacaso' ya'huërinhuë'. Co topinan quëran tashinan pëiquë po 'mocasos' ya'huërinhuë'.

4.

Co piyapinpoa' nipa'anacaso' ya'huërinhuë'. Co topinan quëran asacatacaso ya'huërinhuë'. Piyapi inaora nohuanton sacachina'. Co sacatacaiso' nohuantohuachinahuë', ama sacachinasohuë'.

5.

Ama topinan quëran ana 'inchinsohuë'. Ama topinan quëran chiniquën aparësichinsohuë'.

6.

Ya'ipi copimoro'sa' no'tëquën sha'huitacaso' ya'huërin. Nisha nisha piyapi nipirinhüë' napopianachin ninosorocaso' ya'huërin, tënëhua'.

7.

Copimoro'sa' no'tëquën hua'anëchina'. Ya'ipi piyapi napopianachin noya ni 'ina'. Napopianachin a'paiina'. Ama topinan quëran ana'inchinsohuë'.

8.

A 'napitari topinan quëran aparësitohuachinpoa', coisëquë sha'huitacaso' ya'huërin. No'tëquën ana 'inchin.

9.

Co topinan quëran tashinan pëiquë po'mocaso ya'huërinhuë'. Co topinan quëran a'na parti a'pacaso ya'huërinhue.

10.

A'napita sha'huirapihuachinpoa', Co topinan quëran ana'intacaso' ya'huërinhuë'. Coisë noya natanchin. Ina quëran no'tëquën sha'huichin. Ya'ipinpoa' napopianachin nicatonpoa', no 'tëquën sha 'huitinpoaso' ya'huërin.

11.

A'na piyapi sha'huirapihuachinpoa', Co a'naroachin ana 'intinpoaso' ya'huërinhuë'. Co nimara naporinhuë', ta'ton, coisë nóya natainpoa'. Ina quëran oshaquëran yonquiina'. Tëhuënychachi nitotaquë huarë' ana'intacaso' ya'huërin. Co tëhuënychachi nitotohuachinhuë', ama ana'inchinsohuë'.

Copimo nani pënënpachinpoa', no'tëquën ana 'intërinpoa'. Co pënënpachinpoahuë', Co ana 'intinpoaso' ya 'huërinhuë'. Nasha pënënpachinpoa', natëcaso' ya'huërin. Iraca Co pënënpachinpoarahuë', Co natëpatëhuahuë', Co ina arë' ana 'intinpoaso' ya 'huërinhuë'. Nani sha 'huitohuachinpoa', Co aquëtë ana'intinpoaso' ya'huërinhuë'.

12.

Co ma'shanënpoa' niihuacaso' ya'huërinhuë'. Co ninshitërëhuaso' nisë 'huatacaso' ya'huërinhuë'. Co pinoinpoaso' ya 'huërinhuë'. Inapo 'tohuachinpoa', coisëri ana'inchin.

13.

Ya'huërhua quëran insëquësona yapa patëra, noya paacaso' ya'huërin.

A'na hua'an quëran yapipihuatëra, noya pipicaso'. Ya'huërhhuaso parti yahuënantohuatëra, noya huëantacaso.

14.

Copimo topinan quëran no'huihuachinpoa', yata'ahuatëhua', noya ta'acaso' ya'huërin a'na parti ya'huëcasomarë'.

Nipirinhüë' Co noyahuë' nipatëhua', no'tëquën ana 'intacaso' ya 'huërin, Co ta 'acaso' ya 'huërinhuë'.

15.

Ya'ipinpoa' nisha nisha Copirno ya'huëtërinpoa'. Ina catahuainpoaso' ya'huërin.

Co topinan quëran a'painpoaso' ya'huërinhuë'. Nipirinhüë' a'na hua'anquë yaya'conpachina, tananpichin pa'in.

16.

Quëmapi mashotohuachina, noya sa'acaso'. Nisha sanapi yamapachina inanta' noya tënëhua'. Nisha religion imarinso' mapachina, Co ina marë' copirnori nanitërinhuë' ana'intacaso'. sanapinta' payatohuachina, noya so'yacaso'. Nisha piyapi niponahuë', noya macacaso'. Quëmapi'sa', sanapi'santa' ma'sona nohuantohuachina, napoina.

Sanapi Co nohuantohuachinhüë', Co so'yatacaso' ya huërinhuë'. Quëmapinta' Co nohuantohuachinhüë', Co ma'caso' ya'huërinhuë'.

A'na quëmapi, sa'in, hui'ninpitarëchachi a'na huëntonaca' ninin. Noya ya'huëina'. Noya ya'huëcaso' Copirnori catahuain.

17.

No'pa', ma'sha, inapita hua'anëntacaso ya'huërin. A'naquen inaora no'pa' hua'anëntërin. A'nanta' ya'ipi huënton no panën hua'anëntopi. Cato chachí noya.

No'panën hua 'anëntohuachina', Co incaritëranta nanitënnhuë' ocoicaso.

18.

Yonquirëhuaso marë' Co Copirno no'huiinpoaso ya'huërinhuë'. Religion imarëhuaso marënta' Co Copirno no'huiinpoaso' ya 'huërinhuë'. Nisha yaimapatëhua,, Co ina marë' aparësitinpoaso' ya'huërinhuë'. Yosë chinotacaso marë' niyontonpatëhua', Co ina marë' Copirno ana'intinpoaso' ya'huërinhuë'.

19.

Ma'sona tëranta' yonquihuatëhua', a'napita yaa'chintohuatëhua', Co ina marë' Copirno ana'intinpoaso' ya 'huërinhuë'. Nanan a 'parëso marënta' noya, quiricaquëhuë nipon, natioquëhuë nipon, noya a'parë', natanë'. Ya'ipi parti inapotërë' noya natanacaiso marë'.

20.

Piyapi yaniyontonpachina, niyontoina'. Noya niyontonacaiso' nipirinhue' Co niahuẽcaiso marẽhuẽ' niyontoina'.

- Quiya pochin natẽco' ana'intoquinẽma', itohuachinpoa', Co nohuantohuatẽhuahuẽ', Co imacaso ya'huẽrinhue.

21.

Ya'ipi piyapi hua'ano'sa' huayonacaso' ya'huẽrin. Nisha nisha ninano quẽran huayonin. Inapita hua' anẽntẽrinpoa'.

Ya'ipi piyapi nanitẽrin ma'sha pa'anacaso'. Pahuẽrẽtohuachina, ya'ipi piyapi nanitẽrin ma'shaquẽ pacacaso . Camionquẽ, avionquẽ, nanchaquẽ, inapitaquẽ nanitopi pacacaiso'. Napopianachin Copirno sirihiurinpoa'.

Ya'ipi piyapi Copirno huayoina'. Hua'ano'santa huayoina'. Catapini pi'ipi catapini pi ipi quẽran pochin huayoina'. Ya'ipi piyapi inahuaa ninshitapi huayonacaiso mare.

22.

Piyapi sacatohuachina, no'tẽquẽn pahuẽrẽtacaso' ya'huẽrin. Co sacatacaso' nanitohuachinhue', pi'pian pi 'pian catahuacaso' ya 'huẽrin. Copirno nanitohuachina, coriqui, ma'sha inapita quẽtacaso' ya'huẽrin. Co insonta' pahuantacaso' nohuantẽrẽhuahuẽ'.

23.

Piyapi yasacatohuachina, sacachina'. Ma sacatosona yanipachina, inaquẽ sacachina'. Asacatẽrinsopita piyapinẽnpita nosoroina'. Ama chini chin iquẽn asacachinsohuẽ'. Sacato ya'huẽhuachina, asacachina.

No 'tẽquẽn pahuẽrẽtacaso' ya 'huẽrin. Inachachi sacatohuachina, inachachi pahuẽrẽtẽrẽ'. Nisha nisha piyapi nipirinhue', inachachi pahuẽrẽcaso' ya'huẽrin.

No'tẽquẽn pahuẽrẽtacaso' ya'huẽrin. Noya nanpicaiso marẽ' pahuẽrẽchina'. Pahuantohuachina, a'napita catahuacaso' ya'huẽrin.

Co noyahue' pahuẽrẽhuachina', sacatoro sa' nanitẽrin niyontonacaiso . Ninontohuachina', a'na' acorin hua'an nontacaso mare. -Noya nosorocoi, no'tẽquẽn pahuẽrẽcoi, itohuachina, nataina', no'tẽquẽn pahuẽrẽchina'.

24.

Co nani tahuẽri asacatacaso' ya'huẽrinhue'. Chinotacasonta' ya'huẽrin. Pita tahuẽri Co sacatopirinhue', pahuẽrẽcaso' ya'huẽrin.

25.

Noya sacatohuachina, noya pahuẽrẽcaso' ya'huẽrin. Ya'ipi piyapi cosharo', pei ,nimirio, coton inapita nohuantopi. Co nohuantẽrẽhuahuẽ' piyapi 'sa' pahuantacaiso'. Caniohuachina, Co nanitẽrinhue' sacatacaso'. Mashoro'sa', quẽyorono'sa' inapita Co nanitopihuẽ' aquẽtẽ' canacaiso'. Napoaton inapita catahuacaso' ya'huẽrin.

Sanapi hua'huanpachina, hua'huinẽchachi a'napitari catahuaina'. Hua 'hua ma'patẽrinsonta' catahuaina'. Hua'huaro'sa' pahuantohuachina, Copirno pi'pian pi 'pian catahuaina'.

26.

Copimori escuelaro'sa' ya'ipi parti acoina'. Ya'ipi hua'huaro'sa' escuela imacaiso' ya'huẽrin. Primaria imacaiso marẽ' ama pahuẽrẽchinasohuẽ'. Secundaria, escuela ocupacional inapita acocaso' ya'huẽrin. Inapita yaya'conpachina examen noya pipihuachina, noya ya'coina.

Ya'ipi maistororo'sa' noya a'chinchina' hua'huaro'sa' noya noya yonquicaiso marẽ'. Ina quẽran Co aquẽtẽ nino'huipihuẽ'. Noya noya ninosorohuachina, Co a 'napita nocanapihuẽ'. Naporahuaton, ya 'ipinpoa' noya nini 'tẽhua' ya huẽa'hua huachi. Ina na'con nohuantẽrẽhua'.

Pa'pin, a'shin nohuanton, hui'ninpitata escuelaquẽ ya coina'. Ama a'na piyapiri nisha escuelaquẽ po moinsohuẽ'.

27.

Ninanoquẽ niyontonpi ma'sha nitotacaiso marẽ'. A 'naquẽn quirica ninshitẽrin, a 'naquẽn musica pi 'nirarin, a'naquẽn nonanpiso' pashitarin. Inapita nitotacaso marẽ' niyontonpachina, a'napita nohuantohuachina, pa'ina', noya nataina

Nipro ninshitohuatẽhua', hua'anẽntẽrẽhua'. Inapochachi nonanpiso', nitẽrata inapita pochin nipatẽhua', hua'anẽntẽrẽhua'. Co inapita marẽ' a'napitari canacaso ya'huẽrinhue'.

28.

Ya'ipi parti noya nini'tẽhua', ya'huẽa'hua'. Ya'ipi Copirno'sa' piyapinẽnpita catahuaina' noya ya'huẽcaiso mare

29.

Co insonta' inaora ya'huẽrinhue'. Ya'ipi piyapinpoa' noya ya'huẽcaiso' nohuantohuatẽhua', noya ninosorocaso' ya 'huẽrin. Nicatahuacaso' ya'huẽrin.

Copimoro'sa' pēnēnipoa' Co nino'huicaso marēhuē', Co niahuēcaso marēhuē'. Noya nicatahuacaso marē' pēnēnipoa'. Ina pochin nipatēhua', Co topinan quēran ana'intinpoaso' ya'huērinhue'.

Na'con yonquirai ya'ipi piyapi'sa' noya ya'huēcaiso marē'. Nisha yonquicaiso', nisha a'chintaꞤaiso' Co nohuantēraihue'. Ya'ipi noya nini'tēhua', noya noya ya'huēa'hua , tenehua'.

30.

Nani ya 'ipi hua 'ano'sacoi, Copirno acorincoisopita pēnēnainquēma'. Ama nisha yonquicosohue'. No'tēquēn natēcoi, ya 'ipinpoa' noya nini 'tēhua', noya ya 'huēa'hua'.